


Dialuna mainta a presenta otro schedule di tratamento

Caso Avestruz lo por dura te Februari 2023



ORANJESTAD (AAN): **Cambio den schedule:** Dialuna mainta un biaha mas abogado nan di e 11 sospechosonan den caso Avestruz a presenta den sala di Corte pa asina hunto cu e Hues di Hulanda, cu ta atende e caso, palabra con e situacion ta y asina cuminsa. Diaranzon 7 September 2022 cu tratamento di e caso.

Hues a bisa cu Ministerio Publico a propone un schedule y tin un plan alternativo, teniendo cuenta cu e deseo di Ministerio Publico.

E plan alternativo ta muestra cu e luna aki lo trata e caso contra Curt Harms, Pieter Susebeek y Oslin (Benny) Sevinger.



Esaki ta riba dianan 7 y 8 September 2022. Esaki ta e caso Stichting FCB.

Otro luna 24 y 25 October 2022, lo trata e caso Elenath y Deshaun den cual e sospechosonan ta: Maria Leoncita Arends, Reina Richardson, Frederic Every, Winterdal, Franklin

Abath y Benny Sevinger.

Dianan 3, 4, November 2022 lo trata e caso Damira caminda e sospechosonan ta: Edgar Werleman, Ninosca Nuñez, Carlo Mansur, Franklin Abath y Benny Sevinger.

Dianan 9 y 10 November 2022 lo trata e caso Bucuti caminda e sospechosonan ta Ewald Biemans y Benny Sevinger. Tambe lo trata e caso di malversacion contra Benny Sevinger.

Dia 11 November 2022, e dos Fiscalnan di Ministerio Publico lo presenta nan rekisitorio y exige castigo.

Den e siman di 12 te cu 16 December 2022, e abogado nan lo tin e chens pa presenta nan defensa.

Caso lo por dura te otro año: Despues cu e abogado nan a haya e plan

alternativo aki, tabatin algun remarke di parti di e abogado nan. Nan a muestra cu nan ta haya e periodo di 1 siman pa nan presenta nan defensa mucho poco.

Hues a bisa cu e ta un plan alternativo y durante tratamento lo mira kico ta sosode. Sino lo sigui cu tratamento Januari 2023 y Februari 2023.

Promer tentativo, e schedule tabata cu na December 2022 lo caba cu e tratamento. Hues a bisa cu Januari 2023 lo sera tratamento di e caso y e ta spera cu na Februari 2023 lo tin sentencia.

Awor cu a bin cambio den schedule, e chens ta grandi cu e tratamento lo dura te Februari 2023 y despues Hues lo bisa pa ki tempo lo por spera sentencia.